

## Акафист Премудрости Слова Божия

--

### Кондак 1

Избранному прежде вѣк содѣлать спасѣние мѣра великаго совѣта Ангелу, Сыну Божію Иисусу Христу, приидіте, вѣрнии, поклонимся и припадѣм Ему, славяще неизреченное о нас Божественное смотрѣние, и яко избавлении от вѣчныя смѣрти вознесѣм Ему, Спасителю нашему и Богу, благодарственную пѣснь, душами чистыми и нескверными устнами взывающе:

Слава Тебѣ, Господи, слава Тебѣ.

### Икос 1.

Ангелов и всех небесных сил ликостоянію подражающе, превѣшнему престолу Вседержителя Бога предстоящих, и трисвятѣм гласом немолчно славословящих всечестное и великолѣпое имя Его, искупленіи рабѣ Твоѣ, Христѣ Царю, дерзаем аще и недостойно восхвалити Тя, Спаса и Избавителя нашего Бога. Ты же, яко Всеблагій и Милосердый, обычным Твоим призывом на нас благоутробіем, прими от нас возносимую Тебѣ хвалу, боголѣпно и всечестно Тебѣ вопиющих:

Слава Тебѣ, Господи, Сыне Божий Единородный.

Слава Тебѣ, Господи, всемогущая творческая Сило.

Слава Тебѣ, Господи, великоименитая Ипостасная Премудросте.

Слава Тебѣ, Господи, всесвятѣйшая божественная Правдо.

Слава Тебѣ, Господи, Сыне нетлѣнно рожденный от Отца прежде всех вѣк.

Слава Тебѣ, Господи, Сіяние славы Отчей и Образе ипостаси Его.

Слава Тебѣ, Господи, Единый Свете от Трисолнечнаго Света.

Слава Тебѣ, Господи, Истинный Боже от Истиннаго Бога.

Слава Тебѣ, Господи, Безначальному Отцу и Присносущному Духу Собезначальный и Соприсносущный.

Слава Тебѣ, Господи, во едином со Отцем и Духом Божествѣ, Царствѣ, силѣ и власти исповѣдуемый.

Слава Тебѣ, Господи, единою со Отцем и Духом Божественною славою от всех небесных сил воспеваемый и превозносимый.

Сла́ва Тебе́, Го́споди, от все́х земноро́дных, я́ко Еди́ный от Тро́ицы, боголе́пно покланя́емый и сла́вимый.

Сла́ва Тебе́, Го́споди, сла́ва Тебе́.

Конда́к 2.

Ви́дящи вся́ у́мная тва́рь дела́ ру́к Твои́х, небеса́ пове́дающия сла́ву Твою́, и зе́млю испо́лненную ми́лости и щедро́т Твои́х, богогласно́ прославля́ет Тя́, Христе́, Соде́теля и Творца́ вся́ческих. Те́мже и мы́, зря́ще в творе́нии неиспове́димое вели́чие Твое́ и бога́тство премудро́сти и бла́гости Твоея́, славосло́вим Тя́, небесе́ и земли́ Творца́, и, я́ко о́бщницы Божество́нных даро́в Твои́х, благода́рными гла́сы зыва́ем к Тебе́: Аллилу́ия.

Икос 2.

Ра́зум земноро́дных изнемога́ет тща́щися уразуме́ти премудро́сть и си́лу, и́миже устро́ися ми́р, и позна́ти сокрове́нныя зако́ны и та́йны естества́. Мы́ же, ве́дуще Тя́ Творца́ и Зижди́теля все́х, и ве́рою разумева́юще Твое́ непостижи́мое о все́й тва́ри промы́шление, благоговейно́ зове́м:

Сла́ва Тебе́, Го́споди, соде́тельная и содержи́тельная все́х Бо́жия Му́дросте и Си́ло.

Сла́ва Тебе́, Го́споди, вся́ премудро́стию сотвори́вый и вся́ческая глаго́лом си́лы Твоея́ нося́й.

Сла́ва Тебе́, Го́споди, небесе́ и земли́ Зижди́телю, ви́димых же все́х и неви́димых.

Сла́ва Тебе́, Го́споди, архангелов, а́нгелов и все́х небесных си́л Тво́рче и Влады́ко.

Сла́ва Тебе́, Го́споди, в нача́ле небеса́ сло́вом Твои́м утверди́вый и сия́ющими свети́лами вселе́нную просвети́вый.

Сла́ва Тебе́, Го́споди, зе́млю на тве́рди ея́ непоколеби́мо основа́вый, и су́шу и мо́ре на не́й раздели́вый.

Сла́ва Тебе́, Го́споди, древе́са и плоды́ произрасти́вый, и зе́млю живу́щих тва́рей испо́лннй.

Сла́ва Тебе́, Го́споди, из пе́рсти челове́ка созда́вый, и о́бразом Твои́м Божество́нным украси́вый.

Сла́ва Тебе́, Го́споди, я́ко влады́ку егó над де́лы ру́к Твои́х поста́вивый и вся́ под но́зе егó покоры́вый.

Сла́ва Тебе́, Го́споди, Божéственное благослове́ние Твоé рóду челове́ческому дарова́вый и всю́ зéмлю íм напо́лнивый.

Сла́ва Тебе́, Го́споди, я́ко устроéние, чин и красоту́ ми́ра неизме́нно и неруши́мо сохра́няеши.

Сла́ва Тебе́, Го́споди, я́ко вся́, я́же тре́буем, пода́еши на́м, дожди́ благовре́менны и времена́ плодоно́сна с небесе́ посыла́я, и пи́щею и весе́лием серде́ц на́ша исполня́я.

Сла́ва Тебе́, Го́споди, сла́ва Тебе́.

Конда́к 3.

Си́лою вседержавны́я десни́цы Твоея́ созда́вый челове́ка и о́бразом Твои́м Божéственным почты́й, ввёл еси́ егó в ра́й сла́дости, безсме́ртие и наслажде́ние благих Твои́х обеща́в ему́, и па́дшаго и согрешившаго Тебе́ не погуби́л еси́, но человеколю́бно поми́ловал еси́, провозвестив́ ему́ грядúщее спасéние, е́же и прия́т с ве́рою, в покая́нии возопи́: Аллилу́ия.

Икос 3.

Име́яй твёрдую́ любóвь к па́дшему создáнию Твоему́, и не хотя́й сме́рти грéшника, но е́же обрати́тся и живу́ бы́ти ему́, благоизво́лил еси́ спасти́ челове́ка. Сего́ ра́ди Ходáтай Бо́гу и челове́ком бы́в, вше́л еси́, Перворóдне, во вселéнную, и пред лицéм все́х людéй угото́вал еси́ спасéние Твоé. Тёмже, благодаря́ще, славосло́вим Тя́, и во умилéнии души́ взывáем Ти́ си́це:

Сла́ва Тебе́, Го́споди, Агнче́ Бо́жий, за спасéние ми́ра прё́жде сло́жение ми́ра заклáнный.

Сла́ва Тебе́, Го́споди, Божéственный Ходáтаю, да́вый Себе́ избавлéние за все́х.

Сла́ва Тебе́, Го́споди, обетова́нием спасéния па́дших пра́отцев возвесели́вый.

Сла́ва Тебе́, Го́споди, та́йну смотре́ния Твоего́ рóду грядúщему открыв́ый.

Сла́ва Тебе́, Го́споди, му́жа по се́рдцу Твоему́, Авраáма, избра́вый и отца́ ве́рующих егó сотвори́вый.

Сла́ва Тебе́, Го́споди, се́мя егó благослови́вый и, возра́стив в язы́к ве́лий, в насле́дие Себе́ избра́вый.

Сла́ва Тебе́, Го́споди, рабо́м Твои́м Моисе́ом зако́н да́вый и во́лю Твою́ лю́дем Изра́иловым возвести́вый.

Сла́ва Тебе́, Го́споди, зна́мения и чудеса́ на зе́млю посла́вый, и в лю́дех си́лу Твою́ и сла́ву Твою́ сказа́вый.

Сла́ва Тебе́, Го́споди, гряду́щее спасе́ние ми́ру та́йно предобрази́вый, и зако́нную се́нь све́том благода́ти спаси́тельныя все́м челове́ком предосия́вый.

Сла́ва Тебе́, Го́споди, ве́рою пра́отцы оправда́вый и те́ми Це́рковь от язы́к предобручи́вый.

Сла́ва Тебе́, Го́споди, многоча́стне и многообра́зне во проро́цах глаго́лавый, и дни́ избавле́ния на́шего предвозвести́вый.

Сла́ва Тебе́, Го́споди, в послéдок дни́ и Са́м явле́йся на землі, Ца́рствие Бо́жие проповéдавый и спаси́тельно де́ло Небе́снаго Бо́га Отца́ соверши́вый.

Сла́ва Тебе́, Го́споди, сла́ва Тебе́.

Конда́к 4.

Бу́ря злых обдержи́т нас, Влады́ко Христе́, я́ко в беззакони́их зача́хомся и во гресéх роди́хомся. Но Ты́, Прише́дый грéшныя спасти́, и от Безневéстныя и Пречи́стыя Дéвы Мари́и Воплоти́выйся, спаси́ нас от вся́ких бéд предста́тельством Ма́тере Твоея́, да вѣну милосéрдие Твое́ сла́вяще, зове́м: Аллилу́ия.

Икос 4.

Слы́ша и возвесели́ся Сио́н, и возра́довася суде́б ра́ди Твои́х, Го́споди, егда́ возсия́ звезда́ от Иа́кова, ве́дущи, я́ко прииде́ избавля́яй, Святы́й Изра́илев, те́м и вопия́ше с весéлием: «днeсь спасе́ние ми́ру бѣсть». Сего́ ра́ди и мы́, ча́да но́ваго Изра́иля, чту́ще Твое́, Пребоже́ственный Иису́се, во плóти к нам прише́ствие и рождество́ от Пренепоро́чныя и Пречи́стыя Дéвы, с ве́рою и любóвию зове́м:

Сла́ва Тебе́, Го́споди, спасе́ния на́шего ра́ди от Отчих и Божéственных не́др истощи́вый Себе́ и с небесе́ от превѣ́шняго Престо́ла сла́вы на зе́млю спше́дый.

Сла́ва Тебе́, Го́споди, во утробу́ Дéвы Мари́и всели́выйся и, от Нея́ пречи́стую плóть восприя́в, непрелóжно вочелове́чивыйся.

Сла́ва Тебе́, Го́споди, смире́ния ра́ди кра́йняго зра́к раба́ прие́мый и во я́слех Вифле́емских, я́ко а́гнец возлеги́й.

Сла́ва Тебе́, Го́споди, а́нгельским гла́сом ве́лию благоче́стия та́йну па́стырем пропове́давый, и ты́я зрети́ Тя, я́ко младе́нца, сподо́бивый.

Сла́ва Тебе́, Го́споди, спаси́тельное прише́ствие Твое́ явлéнием звезды́ ми́ру возвестивый и волхвы́ с честны́ми да́ры на поклонéние Тебе́ призва́вый.

Сла́ва Тебе́, Го́споди, зако́на сый Творе́ц, я́ко подзаконный, зако́н исполнивый и плóтию обре́зание восприе́мый.

Сла́ва Тебе́, Го́споди, Безнача́льное Сло́во, я́ко младе́нец четы́редесятидне́вен, Ма́терию Своёю в хра́м принесённый и от пра́веднаго Симео́на и проро́чицы Анны я́ко Изба́витель ми́ра пропове́данный.

Сла́ва Тебе́, Го́споди, на земли́ во двою́ естество́, я́ко Бо́г и Чело́век, неразде́льно и неслитно я́вивыйся и с чело́веки пожи́вый.

Сла́ва Тебе́, Го́споди, обетова́нное спасéние ми́ру прише́ствием Твои́м соверши́вый.

Сла́ва Тебе́, Го́споди, се́нь зако́нную Божéственным явлéнием Твои́м упраздни́вый и свéтом благода́ти вселéнную просвети́вый.

Сла́ва Тебе́, Го́споди, рéчи проро́ков и гадáния, вопло́щение Твое́ проя́вивший исполнивый.

Сла́ва Тебе́, Го́споди, ми́лость, ми́р и прощéние грехо́в чело́веком от Небе́снаго Бо́га Отца́ дарова́вый.

Сла́ва Тебе́, Го́споди, сла́ва Тебе́.

Конда́к 5.

Боготéчную струю́ спаси́тельных учéний изли́ял еси́, Христе́, Прему́дросте Бо́жия, егда́ я́вился еси́ вселéнней, благовествуй́я во́лю послáвшаго Тя Небе́снаго Бо́га Отца́ и пропове́дуя грéшником покая́ние. Отни́оуже духоно́снии апóстоли Твой и вси́ лю́дие, позна́вше Тя и́стиннаго б́ити Сы́на Бо́жия, и véровавше во Ева́нгелие, боголе́пно возопи́ша: Аллилу́ия.

Икос 5.

Ви́дев Тя Иоáнн грядúща на Крещéние, глаго́ла лю́дем: «се́ Агнец Бо́жий, взéмляй грехи́ ми́ра»; и́же и крещшася и свб́ше свидéтельствована Тя испове́да, я́ко Еди́н еси́ от Трои́цы, освяща́яй во́ды и крестя́й Ду́хом Святы́м. Те́мже и мы́, я́ко причáстницы Божéственнаго крещéния и даро́в Свята́го Ду́ха, благода́рными гла́сы взывáем к Тебе́:

Сла́ва Тебе́, Го́споди, на Иорда́н я́ко челове́к пришéдый и Крещéние  
безгрéшный пріяти изво́ливый.

Сла́ва Тебе́, Го́споди, вѣю Твою́ под рúку раба́, Господь сѣй всéх и Влады́ка,  
преклонѣвый.

Сла́ва Тебе́, Го́споди, Ду́хом Святы́м, я́ко подáтель дýха благода́ти,  
извество́ванный.

Сла́ва Тебе́, Го́споди, гласом Небéснаго Бо́га Отца́ Сын Его́ Возлóбленный  
свидéтельствoванный.

Сла́ва Тебе́, Го́споди, вода́ми челове́ческий грéх потопѣвый и Крещéнием  
па́дшее естество́ на́ше обновѣвый.

Сла́ва Тебе́, Го́споди, ба́нею пакибытія вѣрующія в Тя́ возродѣвый и  
невѣдимым явлéнием Свята́го Ду́ха освятѣвый.

Сла́ва Тебе́, Го́споди, врага́ иску́сителя в пусты́ни посрамѣвый и па́губныя  
кóзни его́ победоно́сно разрушѣвый.

Сла́ва Тебе́, Го́споди, смиренныя учени́ки Себе́ избра́вый и божéственныя  
Твоя́ апóстолы наре́кий.

Сла́ва Тебе́, Го́споди, Ева́нгелие Ца́рствія міру проповéдавый и во́лю  
Небéснаго Бо́га Отца́ божéственным слóвом Твоѣм возвестѣвый.

Сла́ва Тебе́, Го́споди, пúть спасéния лю́дем показáвый и свéтом богоразúмїя  
мір озарѣвый.

Сла́ва Тебе́, Го́споди, суето́удрие фарисеев и кни́жников посрамѣвый, и  
мытарей и блудни́ц пока́янием и вѣрою оправда́вый.

Сла́ва Тебе́, Го́споди, избавлéние челове́ческому рóду и мір проповéдавый, и  
я́ко Ты еси́ во́истину Спа́с міру Христóс, божéственным Твоѣм учéнием и  
вла́стию засвидéтельствoва́вый.

Сла́ва Тебе́, Го́споди, сла́ва Тебе́.

Конда́к 6.

Проповéдник сла́вы Бо́жїя явѣлся еси́ на землі, Единорóдный Сы́не Отчий,  
возвещáя всю́ду, я́ко прибли́жися Ца́рствие небéсное. Тѣмже и обтéкл еси́  
пречѣстыми но́г Твоѣх стопа́ми вся́ гра́ды и вѣси Израѣилевы, проявля́я Свою́  
Божéственную вла́сть и си́лу, и исцеля́я вся́к недúг и вся́ку я́зю. Еже вѣдeвше  
лю́дие, хвалу́ возда́ша в вѣшних Бо́гу, творя́щему дѣвнãя и пресла́внãя  
чудеса́, вопи́юще: Аллилу́їя.

## Икос 6.

Воссия́вый прѣжде вѣк от Отца́ и в послѣдняя лѣта от Дѣвы Матере, изшѣл еси́ во спасѣние людѣй Твоихъ, Иисусе, благовествѣя ни́щим, исцеля́я сокрушенныя сѣрдцем, проповѣдѣя пленѣннымъ отпу́щение и слѣпымъ прозрѣние. Отнѣоду же вси́, видевше Твоя́ чудеса́, сла́вляху Бѣга глаго́люще, яко́ Проро́къ вѣлий воста́ и яко́ посети́ Бѣгъ людѣй Своихъ. Мы́ же, вѣдуще Тя́ Бѣга Предвѣчнаго, Емѹ́же вся́ повинѹются, яко́ Творцѹ́ и Гѣсподу и, прославля́я безмѣрное милосѣрдие Твое́, почита́ем Тя́ сѣми благохвалѣнными:

Сла́ва Тебѣ́, Гѣсподи, Всемогѹ́щее Сло́во и Вседержавная Божѣственная Сѣ́ло.

Сла́ва Тебѣ́, Гѣсподи, неисто́щимое блага́сти бога́тство и человеколю́бия неизсле́димая бѣздо́но.

Сла́ва Тебѣ́, Гѣсподи, небесе́ и земли́ Влады́ко, Егѣ́же ма́нием побежда́ется естества́ чѣ́н, Иже и твори́ши, елика́ хѣщеши.

Сла́ва Тебѣ́, Гѣсподи, дѣ́вная чудеса́ сотвори́вый, и пресла́вная зна́мения ми́ру показавы́й.

Сла́ва Тебѣ́, Гѣсподи, боля́щия исцели́вый, разсла́бленныя с одра́ возста́вивый, прокаже́нныя очѣ́стивый.

Сла́ва Тебѣ́, Гѣсподи, слѣпѣ́я просвети́вый, бѣ́сы от челове́к всесѣ́льным сло́вом Твои́м отгна́вый.

Сла́ва Тебѣ́, Гѣсподи, дщѣ́рь Иаи́рову умѣ́ршую воскреси́вый и сы́на вдови́ча из грѣ́ба воздвѣ́гнувый.

Сла́ва Тебѣ́, Гѣсподи, в пусты́ни пятию́ хлѣ́бы пѣ́ть ты́сящъ и седмию́ чѣты́ре ты́сящи мужѣ́й насы́тивый.

Сла́ва Тебѣ́, Гѣсподи, по вода́м, а́ки по сѹ́ху, ходи́вый, и утопа́вшему Петру́ простѣ́р рѹ́ку Твою́ божѣственную, спасѣ́ние пода́вый.

Сла́ва Тебѣ́, Гѣсподи, вѣ́тру еди́ным сло́вом Твои́м запрети́вый и во́лны морскѣ́я ути́шивый.

Сла́ва Тебѣ́, Гѣсподи, на Фаво́ре избра́нным учени́ком Твои́м сла́ву Божества́ Твоегѣ́ показавы́й, и в вѣ́ре ихъ, яко́ Ты́ еси́ вои́стинну Отче́е Сия́ние, утверди́вый.

Сла́ва Тебѣ́, Гѣсподи, Ла́заря четверодне́вна повелѣ́нием Твои́м из грѣ́ба воздвѣ́гнувый, и те́м тридне́вное воскресѣ́ние Твое́ пресла́вно и богосвѣ́тло предобра́зивый.

Сла́ва Тебѣ́, Гѣсподи, сла́ва Тебѣ́.

## Кондак 7.

Хотя сокровенную от века тайну открыти и глаголы пророк предвозвестившия Твое Божественное смотрение исполнити, пришёл еси во Иерусалим, возседя, яко Царь Кроток и Спасаяй, на жребяти осли, и предав Себе на вольное заколение, яко Жертва Богу Отцу принёлся еси, Агнче Божий, спасая всех, с верою взывающих к Тебе, Сodelавшему спасение посреде земли: Аллилуия.

## Икос 7.

Новаго Израиля Ходатай и лучшаго Завета Испоручник Иисус, егда возлеже на вечери со обеманадесяте апостолы, тайно, за яже хотяше умерети, Себе предпожре, претворяя хлеб и вино в Своё Божественное Тело и Кровь, и глаголя апостолом: «ядите Тело Моё», и «пийте Кровь Мою во оставление греховъ». К Немю же и мы, яко причастницы жизни вечныя, верою утвердившися, возопийм:

Слава Тебе, Господи, спасительную тайну Новаго Завета на вечери совершивый и Твое Божественное Тело и Пречистую Кровь в снесь верным даровавый.

Слава Тебе, Господи, ноги учеником Твоим, преклонься, умывый и путь добрейший смирения миру показавый.

Слава Тебе, Господи, в вертограде Гефсиманстем троекратно с воплем крепким и со слезами молитву Единосущному Отцу Твоему принёсший, и явлением ангела в подвизе Твоём укрепленный.

Слава Тебе, Господи, лукавым учеником Твоим преданный, и яко агнец незлобивый, не отверзая уст на заколение веденный.

Слава Тебе, Господи, в совете архиереев и старцев людских неправедно осужденный, оплеванный, зашутенный и биенный.

Слава Тебе, Господи, в претории Пилата от воинов поруганный и, яко злодей, на смерть осужденный.

Слава Тебе, Господи, страшныя Страсти и Крест за спасение мира претерпевый и Божественною кровию Твоею грехи наша очистивый.

Слава Тебе, Господи, покаяние благоразумнаго разбойника, познавшаго Тя Бога, приемый и вход иже в рай ему путесотворивый.



Сла́ва Тебе́, Го́споди, на Кресте́ сме́рть плоти́ю вкуси́вый и мно́га телеса́ успо́ших святы́х из гроб́ возста́вивый.

Сла́ва Тебе́, Го́споди, стра́шныя зна́мения ми́ру в сме́рти Твое́й показáвый и со́тника и́стиннаго Тя́ Сы́на Бо́жия испове́дати научи́вый.

Сла́ва Тебе́, Го́споди, во гроб́е плоти́ю лежа́, душе́ю во а́д сше́дый и иму́щаго держа́ву сме́рти упрáздни́вый.

Сла́ва Тебе́, Го́споди, за спасе́ние ми́ра я́ко человекъ пострада́вый и живо́т вѣчный на́м, я́ко Бо́г, дарова́вый.

Сла́ва Тебе́, Го́споди, сла́ва Тебе́.

Конда́к 8.

Стра́нное и пресла́вное та́инство ви́девше на земли́, удиви́шася а́нгельстии ч́ини, егда́ на Лобне́м ме́сте за ны́ пожре́н бы́сть Христосъ: Крестомъ бо Егó разруши́ся кля́тва, умертви́ся сме́рть, разори́ся а́д, в нёмже от ве́ка содержи́мии ю́зницы, пра́отцы, проро́цы и вс́и свидѣ́тельствующи в ве́ре соше́дша ќ нимъ Изба́вителя и Бо́га, прекло́ншеся, срето́ша, и безме́рное Егó благоутро́бие велича́юще, с весе́лиемъ возопи́ша: Аллилу́я.

Икосъ 8.

Вся́ исполня́яй Неопи́санный, во гроб́е плоти́ски бы́л еси́, Христэ́, во а́де же с душе́ю, я́ко Бо́г, в рай́ же с разбо́йникомъ и на Престо́ле со Отце́м и Ду́хом, воскрэ́с же из ме́ртвых, я́ко Всеси́лен, держа́ву сме́рти разруши́л еси́, и живо́т и нетле́ние ми́ру дарова́л еси́. Сего́ ра́ди поклáняется Тебе́ вся́ко колéно небéсныхъ, и земныхъ, и преиспо́днихъ, испове́дуя, я́ко Ты́ еси́ еди́н Господь́ Иису́с Христосъ в сла́ву Бо́га Отца́. Те́мже и мы́, чту́ще Твою́ спаси́тельную Стра́сть и е́же из ме́ртвых Твое́ Воскрэ́сение, с ве́рою и любóвию прино́симъ Тебе́, Спаси́телю на́шему, благодарственную́ пэ́снь:

Сла́ва Тебе́, Го́споди, я́ко Челове́к плоти́ю умеры́й, и я́ко Бо́г тридне́вен из ме́ртвых воскреси́й.

Сла́ва Тебе́, Го́споди, запеча́танный ка́мень от двéрий гроб́а Твоегó сше́дшимъ с небесе́ а́нгеломъ отвáливый и стрегу́щия Тя́ во́ины свѣ́томъ сла́вы егó устраши́вый.

Сла́ва Тебе́, Го́споди, миронóсицамъ жена́мъ Воскрэ́сение Твое́ от а́нгела пропове́давый и апо́столомъ Твои́мъ возвести́ти е́ повеле́вый.

Сла́ва Тебе́, Го́споди, по Воскресе́нии Твое́м Само́го Себе́́ им́ яко́ Жива́го Бо́га показавый и ра́дости неизрече́нныя сердца́ их испо́лнивый.

Сла́ва Тебе́, Го́споди, отве́ргшагося Тебе́́ Петра́ явлени́ем Твои́м утешивый, и пла́чь егó на ра́дость преложи́вый.

Сла́ва Тебе́, Го́споди, двúm, шедшим в Еммау́с, ученико́м Твои́м та́йну Креста́ и Смерти́ Твоея́ божество́нными словесы́ от зако́на и проро́к уясни́вый, и в преломле́нии хлѣба позна́на Себе́́ сотвори́вый.

Сла́ва Тебе́, Го́споди, собра́нным ученико́м Твои́м явлься, ми́р им́ пода́вый, и пречи́стыя ру́це и но́зе Твои́ и прободѣ́нное ре́бро показавый.

Сла́ва Тебе́, Го́споди, во осмы́й де́нь воста́ния Твоего́ вку́пе бѣвшим ученико́м па́ки явлься, Фому́ неведе́ровавшаго Воскресе́нию Твоему́ уве́ривый, и все́х не ви́девших, но ве́ровавших блаже́нными нареки́й.

Сла́ва Тебе́, Го́споди, на мо́ри Тивериа́дстем в лови́тве ры́б апо́столом Твои́м Себе́́ Учи́теля их и Го́спода показавый, и пока́явшагося Петра́ па́ки к ли́ку апо́стольскому причты́й.

Сла́ва Тебе́, Го́споди, на горе́ Галиле́йстей из ме́ртвых Воскресе́ние Твое́ па́ки явлени́ем Свои́м утверди́вый, и вла́сть Твою́ на небеси́ и на земли́ восприя́тую от Отца́ проповѣ́давый.

Сла́ва Тебе́, Го́споди, яко́ ученики́ Твоя́ соде́лал еси́ апо́столы и проповѣ́дники Ца́рствия Бо́жия, и посла́л еси́́ я на про́поведь, ми́р Твои́ те́ми пода́я вселѣ́нней.

Сла́ва Тебе́, Го́споди, яко́ повелѣ́л еси́́ проповѣ́дати пока́яние и отпу́щение грехо́в во все́х язы́цех, и обеща́л еси́́ спасе́ние прие́млющим креще́ние и ве́рующим в Тя́, Спа́са на́шего и Бо́га.

Сла́ва Тебе́, Го́споди, сла́ва Тебе́́.

Конда́к 9.

Весь ли́к Божество́нных апо́стол Твои́х, восходя́щу Ти́, Спа́се, на Елео́н, послѣдова Тебе́́, яко́ Влады́це и Го́споду, внима́я глаго́лом Твои́м, яже о Ца́рствии Бо́жии. Узре́вше же но́вое и пресла́вное чу́до, егда́ возноси́лся еси́́ на не́бо, со стра́хом и ве́рою поклони́шася Тебе́́, восходя́щему к Отцу́ Твоему́ и Бо́гу, и от а́нгелов прие́мше ве́сть о второ́м сла́вном пришѣ́ствии Твое́м, возврати́шася во Иерусали́м, ра́дующеся и пою́ще Бо́гу: Аллилу́ия.

## Икос 9.

Витийственный язык не может исповедати тайны чудес Твоих, Христе, како самовластно из мертвых воскресл еси, и с плотию вознеслся еси на небо, идеже ангели со всеми горными силами зряще Тя Бога и Творца, во образе человека восшедша на Престол Божества и седша одесную Бога Отца, с трепетом возопиша: «Свят, Свят, Свят еси, Господи сил и Царю славы». Приими убо и от нас, дольних, недостойное наше хваление Тебе, Творцу и Искупителю нашему, благодарно взывающих:

Слава Тебе, Господи, все Отеческое смотрение преславно исполнимый и земная с небесными совокупивый.

Слава Тебе, Господи, пострадавший за нас и воскресый, и на небеса к Безначальному Отцу Твоему восшедый.

Слава Тебе, Господи, на Престоле Божества одесную Отца седый, и единое с Ним царство, и силу, и славу восприимый.

Слава Тебе, Господи, естество человеческое обоживый, и превыше херувимов и серафимов в Твоем Божественном Лице превознесый.

Слава Тебе, Господи, Небеснаго Отца Твоего, яко Ходатай Бога и человеков, умоливый, и учеников Твоих на земли сырых не оставивый.

Слава Тебе, Господи, Духа Святаго апостолом Твоим ниспославый и светом боговедения умы их озаривый.

Слава Тебе, Господи, не книжные ученики Твоя Духом истины умудривый и учителя и пастыри стада Твоего соделавый.

Слава Тебе, Господи, Евангелие Царствия теми всему миру проповедавший, и духовными вещаниями их вселенную просветивый.

Слава Тебе, Господи, идольскую лесть обличивый и упразднивый, и заблудшия люди во истинней вере наставивый.

Слава Тебе, Господи, к Светоначалику, Отцу Твоему, от тмы неведения нас приведый, и достойно поклоняться и служить Ему научивый.

Слава Тебе, Господи, помышлениями и делы долу преклоншихся нас возставивый, и горняя мудрствовать, а не земная повелевый.

Слава Тебе, Господи, неизреченныя блага любящим Тя обещаваый и житие нам на небесах, отонудуже и Тя Спасителя нашего ждем, предопределивый.

Слава Тебе, Господи, слава Тебе.

## Кондак 10.

Спасти́ хотя́ лю́ди, я́же стяжа́л еси́ честно́ю Твое́ю Кро́вию, от искуше́ний и бе́д, во е́же непоро́чно служи́ти Тебе́, Бо́гу Жи́ву и Истинну, изля́л еси́ бога́тно Божество́нную благода́ть Пресвята́го Ду́ха, и Са́м, я́ко Влады́ка и Госпо́дь, обеща́лся еси́ невидимо и неотсту́пно пребыва́ти с ве́рными, я́коже апо́столом ре́кл еси́: «се́ Аз с ва́ми е́смь во вся́ дни до сконча́ния ве́ка». Егóже гла́са Твоегó и мы́ утвержде́ние наде́жди иму́ще, ра́дуясь вопие́м: Аллилу́ия.

## Икос 10.

Стена́ недоли́мая и враты́ а́довы показа́ся Це́рковь Твоя́, Христе́, е́же си́лою побежда́ются вси́ врази́, и низлага́ется вся́ко взима́ющееся на ра́зум Бо́жий возноше́ние челове́к, растле́нных умóм и неиску́сных о ве́ре, ве́рнии же обрета́ют спасе́ние душа́м во вся́ком де́ле бла́зе, плодонося́ще и возраста́юще в ра́зуме Бо́жии. Те́мже и мы́, су́щии ча́да святы́я Твоея́ Це́ркве, утверди́вшися на ка́мени ве́ры, и держа́щися до́браго испове́дания, восхваля́ем Тя́, согла́сно зову́ще:

Сла́ва Тебе́, Го́споди, на земли́ Це́рковь Твою́, я́же е́сть сто́лп и утвержде́ние и́стины, основа́вый.

Сла́ва Тебе́, Го́споди, всеси́льною Твое́ю благода́тию расши́ривый ю́ и удобри́вый.

Сла́ва Тебе́, Го́споди, Божество́нным про́мыслом Твои́м неразруши́му сохраня́яй ю́ и соблюда́яй.

Сла́ва Тебе́, Го́споди, краегуго́льный Ка́меню, на нёмже Це́рковь Твоя́ неподви́жно утвержда́ется.

Сла́ва Тебе́, Го́споди, пренебе́сная Главó, е́юже та́инственное те́ло Це́ркве управля́ется и освяща́ется.

Сла́ва Тебе́, Го́споди, вели́кий Архиере́ю и Па́стырю до́брый, положи́вый ду́шу Твою́ за о́вцы, и еди́нем приноше́нием соверши́вый во ве́ки освяща́емых.

Сла́ва Тебе́, Го́споди, исто́чники Божество́нных даро́в Твои́х, та́йны святы́я в Це́ркви Твое́й устроивый и те́ми спаси́тельную благода́ть на ве́рныя лю́ди Твоя́ излива́яй.

Сла́ва Тебе́, Го́споди, па́стыри и учи́тели в созида́ние те́ла Це́ркве Твоея́ поста́вивый, и вла́сть, е́же вяза́ти и реши́ти грехи́ люде́й, те́м по непрело́жному сло́ву Твоему́ дарова́вый.

Сла́ва Тебе́, Го́споди, я́ко призва́л еси́ в Це́рковь Твою́ святу́ю и на́с, недосто́йных рабо́в Твои́х.

Сла́ва Тебе́, Го́споди, я́ко возроди́л еси́ на́с ба́нею пакибы́тия и обновле́ния Ду́ха Свята́го.

Сла́ва Тебе́, Го́споди, я́ко пита́еши на́с Божество́нным сло́вом Твои́м и насыща́еши от безсме́ртных трапéзы Пречи́стаго Те́ла и Кро́ве Твоея́.

Сла́ва Тебе́, Го́споди, я́ко очища́еши грехи́ на́ша пока́нием, и спаса́еши на́с, Ца́рствия небе́снаго насле́дники соде́ловая.

Сла́ва Тебе́, Го́споди, сла́ва Тебе́.

Конда́к 11.

Пе́ние го́рних у́мных си́л не довлéет вели́честву Твоему́, седя́й в сла́ве на Престо́ле Божества́, Иису́се Сы́не Бо́жий, а́ще и немол́чными гласы́ славосло́вят Тя́, я́ко Творца́ свое́го и Бо́га. Мы́ же, грешни́и, ко́е досто́йное благодарéние и кую́ че́сть принесём Тебе́ за вся́, я́же возда́л еси́ на́м благода́я? Оба́че ве́дуще Тя́ ми́лостива и благосе́рда, Иже и страда́ти о на́с изво́лившаго, мо́лим Тя́, Человеколю́бче, услы́ши и на́с, ве́рующих в Тя́, и во умилéнии се́рдца велича́ющих безме́рное милосе́рдие Твое́, пою́ще а́нгельскую пе́снь: Аллилу́ия.

Икос 11.

Светоза́рное Со́лнце, из гроба́ возсия́вшее и на небеса́ восше́дшее просвещáти а́нгельския́ чины́ и ду́хи пра́ведных, Христос́ Бог на́ш, устáвил е́сть вели́кий и просвеще́нный де́нь, в о́ньже има́ть па́ки приити́ на зéмлю во сла́ве, я́коже мо́лния исхо́дит от восто́к и явля́ется до за́пад, и Су́д пра́ведный сотвори́ти живу́щим на лица́ всея́ земли́. Ча́юще у́бо второ́го сла́внаго Прише́ствия Его́, возведе́м о́чи свой́ на не́бо и рече́м: «помяни́ и на́с, Го́споди, егда́ приидеши во Ца́рствии Твое́мъ», сицевáя Тебе́ вопию́щих:

Сла́ва Тебе́, Го́споди, кончи́ну ве́ка сло́вом Твои́м предвозвестíвий.

Сла́ва Тебе́, Го́споди, гото́вым бы́ти на́м и жда́ти Тебе́, Судию́ Пра́веднаго, повеле́вий.

Сла́ва Тебе́, Го́споди, зна́мения прише́ствия Твое́го во свято́м Евáнгелии показáвий.

Сла́ва Тебе́, Го́споди, я́ко хощеши приити́ на зéмлю во сла́ве Отца́ Своего́ со а́нгелы святы́ми.

Сла́ва Тебе́, Го́споди, я́ко има́ши в пришѣствии Твое́ обновіти лице́ земли.

Сла́ва Тебе́, Го́споди, я́ко благоволи́ши сме́ртным нетле́ние и безсме́ртие дарова́ти.

Сла́ва Тебе́, Го́споди, я́ко обеща́еши от ве́ка умерших́ всесі́льным сло́вом Твои́м воздвигну́ти.

Сла́ва Тебе́, Го́споди, я́ко хо́щеша пра́ведный Су́д сотвори́ти и коему́ждо по делóм его́ возда́ти.

Сла́ва Тебе́, Го́споди, я́ко наде́жду и упова́ние на Тя, Спаси́теля на́шего, возлага́ем.

Сла́ва Тебе́, Го́споди, я́ко ми́лость и прощѣ́ние на Судѣ́ Твое́м получи́ти ча́ем.

Сла́ва Тебе́, Го́споди, я́ко жи́знь на́шу, по милосѣ́рдию Твоему́ продолжа́еши и вре́мя на пока́яние на́м да́руеши.

Сла́ва Тебе́, Го́споди, я́ко испра́вления на́шего ми́лостивно ожида́еши, и е́же избежа́ти на́м ве́чнаго осужде́ния, я́ко Благо́й и Человеколю́бец, хо́щеша.

Сла́ва Тебе́, Го́споди, сла́ва Тебе́.

Конда́к 12.

Благода́ть Небе́снаго Бо́га Отца́ провозвесті́в міру, Соприсносу́щное Сло́во и Сын́ Бо́жий заповѣ́да ве́рным Свои́м жи́ти целому́дренно, и пра́ведно, и благоче́стно в ны́нешнем ве́це, отвѣ́ргшеса нече́стия и мирских́ похотѣ́й, я́ко да изгна́ннии из ра́я преслуша́ния ра́ди, оправди́вшеса ве́рою насле́дят гряду́щее Ца́рство небе́сное, е́же во своя́ времена́ яви́т Блаже́нный и еди́н Си́льный Ца́рь ца́рствующих и Госпо́дь господа́ствующих ждúщим блаже́ннаго упова́ния и явле́ния сла́вы Его́, и глаго́лющим: Аллилу́ия.

Икос 12.

Пою́ще и превознося́ще неисповеди́мое человеколю́бие Твое́, Спа́се на́ш, Иже за милосѣ́рдие безприкла́дныя ми́лости Твоея́, пришѣ́д, соделал еси́ спасѣ́ние на́ше Крестóм и Воскресе́нием Твои́м, и па́ки гряды́й има́ши яви́ти сла́ву Ца́рствия Твоего́, прино́сим Ти́, превозноси́мому отецъ Го́споду, раба́и Твои́, чаю́щии жи́зни б́дущаго ве́ка и прича́стия насле́дия святы́х во све́те, благода́рную и хвале́бную моли́тву, прося́ще у Тебе́ ми́ра и спасѣ́ния зовúщим:

Сла́ва Тебе́, Го́споди, во све́те живы́й непристу́пнем и ца́рствуй в сла́ве вели́чества Твоего́ непости́жимей.

Сла́ва Тебе́, Го́споди, Егóже Ца́рство е́сть ца́рство всѣхъ веко́в и влады́чество во вся́комъ ро́де и ро́де.

Сла́ва Тебе́, Го́споди, мно́жества небе́сныхъ си́л Божѣ́ственною сла́вою Твое́ю облистава́яй, и зрѣ́ниемъ велеле́пныхъ красото́й Ца́рства Твоего́ умныя о́чи ихъ насыща́яй.

Сла́ва Тебе́, Го́споди, от сложе́ния ми́ра Ца́рство в насле́дие челове́комъ угото́вавай и мно́ги оби́тели в домо́у Отца́ Твоего́ избра́ннымъ Твои́мъ сотвори́вай.

Сла́ва Тебе́, Го́споди, я́ко преду́ставилъ еси́ по второ́мъ Прише́ствии Твое́мъ, разлучи́ти до́брыхъ от злы́хъ, я́коже овецъ от ко́злищъ.

Сла́ва Тебе́, Го́споди, я́ко опреде́лилъ еси́ по пра́ведномъ Судѣ́ Твое́мъ, врага́ нашего́ диа́вола с клеверѣ́ты егó осуди́ти и ве́чному́ муче́нию преда́ти.

Сла́ва Тебе́, Го́споди, я́ко има́ши благослове́нныя Отца́ Твоего́ в Ца́рство небе́сное призва́ти и в сожи́тельстве с безплóтными а́нгелы́ я́ вселíti.

Сла́ва Тебе́, Го́споди, я́ко хоще́ши лю́бящия́ Тя́ ве́чныя сла́вы и блаже́нныя жи́зни наслажде́ния во све́те лица́ Твоего́ сподо́бити.

Сла́ва Тебе́, Го́споди, я́ко сла́ве Ца́рствия Твоего́ и ра́дости избра́нныхъ Твои́хъ не бу́дет преде́ла.

Сла́ва Тебе́, Го́споди, я́ко наслажде́ниямъ ра́я и блаже́нству пра́ведныхъ у Тебе́, Исто́чника живото́а, не бу́дет конца́.

Сла́ва Тебе́, Го́споди, я́ко и на́м, грѣ́шнымъ, двѣ́рь сла́внаго Ца́рствия Твоего́ пока́ниемъ и ве́рою отверза́еши.

Сла́ва Тебе́, Го́споди, я́ко и мы́, недостóйнии, а́ще бу́дем ходи́ти во све́те за́поведей Твои́хъ в черто́гъ Божѣ́ственныя сла́вы Твоея́, иде́же е́сть всѣхъ весе́лящихся жили́ще, совни́ти упова́емъ.

Сла́ва Тебе́, Го́споди, сла́ва Тебе́.

Конда́к 13.

О, великоименита́я Ипостáсная Прему́дросте́ Бóжия, Пресвяты́й и Премилосе́рдый Го́споди Иисúсе Христé, Спаси́телю на́ш, приклонíвай небе́са неизрече́ннымъ Твои́мъ схожде́ниемъ, приклонíйся благоутрóбно на моли́тву на́с, недостóйныхъ рабо́в Твои́хъ, ве́рою и любóвию принося́щихъ Тебе́ благода́рственную си́ю хвалу́, и ниспосли́ на́м Божѣ́ственную благода́ть, да изба́вльшеся от бе́д и скорбе́й, па́че же грехо́вныхъ страсте́й, поживе́мъ Тебе́,

нашему Владыце и Благодетелю, и тако сподобимся и на небеси, якоже на земли, вкупе со ангелами и всеми святыми пети Тебе: Аллилуия.

[Сей кондак глаголется трижды. И паки чтется 1-й икос: Ангелов и всех небесных сил... и кондак 1-й: Избранному прежде век...]

### **Молитва Спасителю нашему, Господу Иисусу Христу**

Владыко Многомилостиве, Господи Иисусе Христе, Безначальнаго Отца Собезначальный и Соприсноусущный Сыне, Непостижимая Мудросте, Непреступный Свете, Вседетельная и Всесодержительная Сило, всемогущим словом Твоим от несущих во еже быти приведый всяческая и вседержавною волею Твоею управляяй и устрояяй всем благопотребная и полезная! Благодарно исповедуем Твое Божественное о нас промысление, величаем непостижимую тайну Твоего смотрения и с верою приемлем спасительную благодать Твою. Ты бо, Неизглаголанная Благостине, не по беззаконием нашим творяя нам, но по безмерному благоутробию Твоему милуяй и спасааяй нас, благоизволил еси, исполняя совет и изволение Отчее, истощив Себе, снйти на землю и немощное естество человеческое воспрियाи, в немже пострадав волею, заклался еси на кресте, яко агнец непорочный, за грехи мира, и, сим страшным и спасительным священнодействием преклонив правду Божественную на милость, Ходатай Богу и человеком явился еси, и падшее и растленное естество наше возставил еси, и обновил и освятил еси, яко быти верующим в Тя и Небеснаго Бога Отца святым и непорочным, в наследие нетленно и неуывдаемо, соблюдено на небесех. Темже молимся Тебе, Спасителю наш, призри милостивно на нас, и прими наше исповедание, хвалу и благодарение за вся, яже воздал и уготовал еси нам, верующим в Тя и исповедующим всесвятое имя Твое. Спаси, Господи, люди Твоя и благослови достояние Твое. Помяни в щедротах Твоих Церковь Твою святую, юже стяжал еси честною Твоею Кровию, утверди, умири, расшири и сохрани ю непреобориму и непоколебиму и адовыми вратами, но да сокрушатся пред нею и изчезнут вся сопротивныя силы и да расточатся вси врази, видимо и невидимо ополчающияся, еже озлобити достояние Твое и разорити завет святыи Твои. Осени Божественным благословением Твоим державу Российскую [и Благочестивейшаго Самодержавнейшаго Великаго Государя Императора [имярек] со всем царствующим Домом, сохраняя их в мире, благоденствии и тишине, победу же и одоление на супостаты им даруя]. Отжени от праввернаго Отечества нашего всякаго духа лестча, вносящаго к нам плевелы ложных учений и сиящагося водворити у нас нравы и обычаи, противныя святым заповедем Твоим; утверди нас в



правосла́вном испове́дании ве́ры и соде́лай ны́ ревни́телями оте́ческих преда́ний и вся́ких до́брых христи́анских де́л, да вѣну сия́ет в оте́честве на́шем свѣт ѳ́стинный и сла́вится в ро́д и ро́д пречестно́е и пребоже́ственное ѳ́мя Твое́. Спаси́, Го́споди, и поми́луй гра́д се́й, в не́мже живѣм, и вся́ гра́ды и ве́си, и всю́ страну́ благослове́нныя па́сты Росси́йския; все́х правосла́вно ве́рующих в Тя́ в ми́ре, ти́шине и благоде́нствии соблюди́, Це́ркви святе́й и вся́кому нача́лу и вла́сти послу́шных и благопоко́рных соде́лай и все́ми христи́анскими добродѣ́тельми украси́, отпа́дшия же и проти́влящияся к еди́нению с свято́ю Правосла́вною Це́рковию спаси́тельною Твое́ю благода́тию призови́, боже́ственным сло́вом Твои́м просвети́ и обрати́, яко́ Благи́й и Человеколю́бец. Спаси́, Го́споди, и святы́й хра́м се́й, е́гоже поста́вил и утверди́л еси́, яко́ сто́лп крѣ́пости, да́же до сего́ дне́ неразруши́мо и невреди́мо сохра́няя, в не́мже в моли́твах призыва́ем Тя́ и служим Тебе́, живу́щему на небеси́ Царю́ веко́в, ѳ́мже украша́ется и освяща́ется гра́д на́ш и низпосыла́ется Твоя́ Боже́ственная благода́ть на вся́ гра́ды и ве́си страны́ на́шея. Да пребу́дет на не́м, мо́лим Тя́, Го́споди, и во пре́дняя в ро́д и ро́д Твое́ Боже́ственное благослове́ние, да прино́сится в не́м вѣну благоприя́тная Тебе́ моли́тва и да изли́вается чрез не́го на все́х моля́щихся и с ве́рою призыва́ющих Тя́ Твоя́ спаси́тельная благода́ть, ми́люющая и избавля́ющая нас от все́х бе́д. Помяни́, Го́споди, во Ца́рствии Твоём ра́б Твои́х, воздвигших Тебе́ се́й святы́й и приснопа́мятный до́м на земли́, и, прости́в ѳ́м вся́, я́же содела́ша, яко́ челове́цы, прегреше́ния, ве́ры ра́ди и любве́ к Тебе́, Бо́гу и Спаси́телю на́шему, возда́ждь ѳ́м небесными́ и ве́чными бла́гими в прене́бесном и боже́ственной до́му Твоём. Помяни́ в щедро́тах Твои́х, Ми́лостиве, преосвяще́нных иерархов, от создáния хра́ма сего́ благоукра́шению е́го усер́дно послужи́вших, и все́х правосла́вных христи́ан, с ве́рою и любóвию плодоно́сивших и добродѣ́явших в не́м, и ны́не святы́ми же́ртвами и благотворéниями поревновáвших к благоле́пию и сла́ве е́го, и о́нем блаже́нное упоко́ение и ве́чное ра́дование в Ца́рствии небесне́м, сѣ́м же здра́вие, благоде́нствие и в ве́ре и бла́гих дела́х преспе́яние ко спасе́нию ду́ш всеми́лостивно да́руй.

Премудры́й и Всеблагий́ Го́споди, Спаси́телю на́ш! Просвети́вый сия́нием прише́ствия Твоего́ ми́ра концы́ и сопризва́вый нас в Це́рковь Твою́ святу́ю с обетова́нием насле́дия нетле́нных и ве́чных бла́г, при́зри ми́лостивно и на нас, недостóйных ра́бов Твои́х, и не помяни́ беззакóний на́ших, но по безме́рному благоутрóбию Твоему́ осла́би, оста́ви, прости́ нам вся́ прегреше́ния на́ша. Аще́ бо и преступа́ем святу́ю во́лю Твою́, но не отмета́емся Тебе́, Бо́га и Спа́са на́шего: Тебе́ еди́ному согреша́ем, но и Тебе́ еди́ному служим, в Тя́ еди́наго ве́руем, к Тебе́ еди́ному прибега́ем и Твои́ то́чию ра́би бы́ти хощем. Помяни́ не́мощь естества́ на́шего и обдержа́ция нас повсю́ду искуше́ния врага́ и прелести́ и собла́зны ми́ра, ѳ́хже ра́ди без Тебе́,

якоже рекл еси, не можем творити ничесоже, и Сам очисти и спаси нас, Сам просвети умы наша, еже непоколебимо веровати в Тя, Единого Спаса и Избавителя нашего, Сам подвигни сердца наша, еже всецело любить Тя, единого Бога и Творца нашего, Сам направи стопы наша, еже непреткновенно ходити во свете заповедей Твоих. Ей, Господи, Спасителю наш, яви нам великую и богатую милость Твою, Иже по неизглаголанной любви Твоей и страдати за нас изволил еси, и всеильною Божественною Твоею благодатию, представством же Пречистыя и Пренепорочныя Святыя Матере Твоея Марии, Еяже честное и блаженное Успение и к Тебе, Сыну и Богу, Пренебесное возшествие ныне празднуем, и молитвами угодников Твоих, страну нашу честными телесы освящающих и вину пред Тобою за нас ходатайствующих, сотвори, да в преподобии и правде проживем вся дни живота нашего, и тако достойни будем во второе славное Пришествие Твое услышати от Тебе милостивое призывание в Царствие небесное, еже получитьи сподоби нас, грешных и недостойных рабов Твоих, и в наслаждении неизреченных красот его славити Тя вкупе с Безначальным Твоим Отцем и Присносущным Божественным Духом во веки веков. Аминь.